

ՕՏԱՐ ԵԿԵՂԵՑԻՆԵՐ

ՌՈՒՍԱՅ ԵԿԵՂԵՑԻ.

— Ա. Սինօղը մերժել է Վրաստանի և Իմերէթի Սինօղական գրասենեակի միջնորդութիւնը՝ թող տալու Թիֆլիսի պրավօսլաւ հոգևորականութեան անդամագրուել Թիֆլիսի Ռուսական փոխադարձ վարկի ընկերութեան, որովհետև, թէև այդ ընկերութիւնը համակրելի նպատակ ունի ծաղկեցնել ռուսական արդիւնաբերութիւնը, բայց նորա գործունէութեան հիմքը, ինչպէս և այլ նման ընկերութիւնների, է վաճառականական շահը և այլ դրդումներ, որոնք չեն համապատասխանում քահանայական կոչման և հովուական պաշտօնին:

— Տիւրէնչէնեան կռուի հերոս Ստեփան Շչէրբակովսկի քահանան պատերազմի ժամանակ, երբ արդէն կռուի դաշտում ընկել էին գունդի սպաները, խաչը ձեռքին թշնամու սաբասփիլի կրակի տակ կարողացել է յաջողութեամբ ազատել գունդը: Ներկայումս իրբև աւագ քահանայ Մայր Թագունի Մարիա Ֆեօդորովնայի Գավալերազարդ գնդի, ծառայում է գործող բանակում և ցոյց է տալիս մեծ քաջութիւն: Մասնակցելով բոլոր կռիւներում՝ ուղեկցում է զօրքին, սուրբ հաղորդութիւնն է բաշխում բոլոր վիրաւորներին և մեռնողներին: Իւր քաջութեանց համար Շչերբակովսկի աւագ քահանայն վարձատրուել է Վլադիմիրի 3-րդ աստիճանի շքանշանով սրբերով: Հայր Շչերբակովսկին ռուսաց քահանաների մէջ միակն է՝ որ ունի սպայական Գէորգի շքանշանը, որ ստացել է Տիւրէնչանսկի կռուի առթիւ:

Առ հասարակ քաջութիւն գործող և կռուի դաշտում ռուս անձնուէր քահանաների թիւը շատ է և նրանք վարձատրւում են իրենց հովուական ճշմարիտ պարտականութիւնները անձնագոհութեամբ կատարելու համար:

— Վարչաւայի Նիկոլայ արքեպիսկոպոսը ներկայացրել է ս. Սինօղին մանրամասն տեղեկագիր իւր թեմի այն եկեղեցիներին մասին, որոնք փաստուել են պատերազմի պատճառով: Այսպէս օրինակ, Գրակի ծխական եկեղեցում մոմի արկղը կոտրել են և դրամ չգտնելու պատճառով տարել են 50 ռ. մոմ: Եկեղեցական ծխական դպրոցը, քահանայի բնակարանը և շրջակայ տները գերմանացոց ձեռքով քարուքանդ են եղել և բոլորովին կողոպ-

տուել: Տեղական զինուորական եկեղեցին քանդուած է, և պատարագի սեղանի վրայ էլ գտել են մահճակալ: Նոյն աւերածութիւնը գերմանացիները արել են Կալվարայի քաղաքի եկեղեցում, եկեղեցում գերմանական զօրքերը ծխել են և թափել ամեն բան անկարգ կերպով:

Պրուշկով գիւղում եկեղեցին և հիւանդանոցը քանդել են և դրամարկերը բաց անելով տարել են 60 ռ:

Սուվալկայում գլխաւոր տաճարին սկզբում ձեռք չեն տուել գերմանացիք, բայց յետոյ կասկածելով որ այնտեղ պահուած են կօզակ զինուորներ՝ շրջապատել են և պատրաստուել փախչող կօզակներին խփել, յետոյ տեսնելով որ այնտեղ չեն պահուած կօզակներ, մտել են տաճարը և այնտեղ սարքել հիւանդանոց: Գերմանացիներին նահանջից յետոյ գտել են այդ տաճարը շատ անկարգ վիճակում, ամեն բան իրար տուած և թափթփած ծխած ծխախոտներ:

— Խոլմսկի թեմի հոգաբարձութիւնը առանձին կոչով գիմել է բոլոր այն տեղերին, որոնք չեն փաստուել պատերազմից, և խնդրել իրենց փաստուած թեմի հաստատութիւնների համար օգնութիւն:

— Ս. Սինօդը իւր դեկտեմբերի նիստերից մէկում լսել է Պետրոգրադի թեմի Թեմական տեսչի զեկուցումն, որով խնդրել է Սինօդից կարգադրել վերացնել «սօնաձառ»ի սովորութիւնը, որ իւրաքանչիւր տարի Նոր տարուայ առթիւ զպրօցներում սարքում են աշակերտների ու աշակերտուհիների համար, պատճառաբանելով՝ որ այդ սովորութիւնը մտել է գերմանացիներից և ռուսական չէ: Սինօդի ռուսումնաբանական խորհուրդը վճռել է յարգել Թեմական տեսչի միջնորդութիւնը և միաժամանակ կարգադրել է Պետրոգրադի միտրապօլիտութեան բոլոր զպրօցներում վերացնել սօնաձառի սովորութիւնը:

— Ս. Սինօդը որոշել է հրամանագրել բոլոր թեմական առաջնորդներին, որ իրենց թեմերում գտնուած օրիորդաց զպրօցներում թողակ չպահանջեն այն աշակերտուհիներից, որոնց հայրը պատերազմ է գնացել և իրենք չքաւորութեան պատճառով չեն կարող վճարել:

Հոգեւոր ասեանքների նոր նախագիծը. Ս. Սինօդը իւր առաջիկայ նիստերից մէկում պէտք է զբաղուի հոգեւոր կոնսիստորիաների և հոգեւոր դատարանի նախագծի քննութեամբ:

Մինչև այժմ կոնսիստորիան ներկայացել է միակ հաստա-

տութիւնը թեմական հոգևոր կառավարութեան, որ վարել է և՛ վարչական և՛ դատական գործերը: Կոնսիստորիաների այդ երկուութիւնը վաղուց ճանաչուել է անհամապատասխան կեանքի պահանջներին: Նոր նախագծով վճռուած է վերացնել կոնսիստորիաները և հիմնել երկու բոլորովին ինքնուրոյն հաստատութիւններ: 1) թեմական դատարան և 2) թեմական կառավարութիւն:

Թեմական դատարանը կազմուած է թեմի քահանաներից, որոնք իրենց պաշտօնի մէջ հաստատուած են ս. Սինօդի կողմից, ընտրուած և հաստատուած են թեմական առաջնորդի կողմից դատարանի անդամների թուից: Այն հանգամանքը, որ նախագահը ներկայանալով բարձր անձն հոգևոր աստիճանով, հաստատուած է առաջնորդից, իսկ դատարանի անդամները Սինօդից, այդ առաջ է գալիս նորա համար, որ ըստ կանոնական օրէնքների անյարմար կըլինէր, եթէ նախագահին էլ հաստատէր առաջնորդը, քանի որ թեմում երեան կըզար առաջնորդի երկիշխանութիւնը: Դատախազի պարտականութիւնները կատարող անձն հոգևոր դատարանում չէ լինելու, ինչպէս և չի լինիլ մեզադրող բաժանմունք, մեզադրողի դերը կը կատարի դատարանի անդամներից մէկը, որը նոյն գործի վճռահատութեան ժամանակ մասնակցութիւն չի ունենալ: Դատարանի բոլոր վճիռները հաստատուած է առաջնորդը, որն և կարող է յանցաւորներին յանձնել դատի:

Թեմական դատարանի իրաւասութիւնից կըհանուի որոշ գործեր և կըյանձնուի գործակալական դատարանին, որ ներկայացնում է ստորադրեալ դատական ատեան, որ պէտք է ունենայ խաղաղարար դատարանի բնաւորութիւն: Դատարանի ատենադպիրը նշանակուած է համաձայնութեամբ Սինօդի դատախազի և առաջնորդի: Ատենադպիրը ներկայանում է դիւանատան կառավարիչը և հսկում է օրէնքների ճիշտ գործադրութեան վրայ: Այս հոգևոր դատարանների վճռի դէմ բողոքել կարելի է ս. Սինօդին:

— Համաձայն Մոսկուայի թեմի հոգևորականութեան առանձին յանձնաժողովի միջնորդութեան ս. Սինօդը կարգադրել է բաժանել Մոսկուայի հիւանդանոցներում տեղաւորուած վիրաւոր զինուորներին 500,000 Ս. լետարան:

Սեմինարիալների աւակերտների հայրենասիրութիւնը: Մոսկուայի հոգևոր Սեմինարիայի 2-րդ դատարանի սաները իրենց վարչութեան ցանկութիւն են յայտնել, որ մինչև դեկտեմբեր անցնեն վրձատուած դասընթաց, աւարտման քննութիւն տան և ապա դնան պատերազմ, իբրև կամաւորներ: Սեմինարիայի տեսուչը այս մասին դիմել է ս. Սինօդի հաճութիւնը խնդրելու:

—Տալրիկեան հոգևոր Սեմինարիայի տշակերտները իրար մէջ ժողովում են շաքար, թէյ, դրամ գործող բանակն ուղարկելու համար: Նոքա տօն օրերի երրորդ տեսակ կերակրից հրաժարուել են և խնդրել որ նորա արժէքը ուղարկուի Թեմական Յանձնադովին: Բարձր դասարանի սաներն յաճախ զօրանոցներում զինուորների հետ ունենում են կրօնական-բարոյական դրոյցներ և պատմական—հայրենասիրական ընթերցումն:

—Պերմսկի Սեմինարիայի սաներն իրենց քաղաքում գտնուած վիրաւոր զինուորների համար կազմում են գրական-երաժշտական երեկոներ: Այդպիսով զինուորների և սաների մէջ հաստատուում է բարոյական ուժեղ կապ:

—Մագիլէի Սեմինարիայի սաները կազմակերպել են «Սեմինարիական սանիտարական կամաւորների խումբ» բաղկացած 80 հոգուց, որոնց պարտականութիւնն է կայարանից վիրաւորներին հասցնել հիւանդանոց: Այդ սաներից 70 հոգի վառուած հայրենասիրական հոգով, ցանկութիւն են յայտնել զնալ գործող բանակը իրրե կամաւոր սանիտարներ:

—Կալուգայի Սեմինարիայի սաները որոշել են ամեն օր իրենց ստանալիք հացի մի մասից զրկուել, իսկ արժէքը յատկացնել յօգուտ վիրաւորներին: Իւրաքանչիւր ամիս ժողովում են 115 ուռլի և ուղարկում յօգուտ վիրաւորներին: Այդ սաներից կազմուած է առանձին հոգաբարձութիւն նախադաշութեամբ Վերատեսչի, որ խնամք տանեն պատերազմ զնացած և վիրաւոր զինուորների ընտանիքների մասին:

Կ Ա Թ Ո Լ Ի Կ Ե Կ Ե Ղ Ե Յ Ի

Բեհեդիկէ XV Պապի առաջին քուրբը. Անցեալ նոյեմբերի 1-ին (ն. տ.) Բենեդիկտ XV-րդ Պապը հրատարակել է իւր առաջին թուղթը՝ ուղղուած կաթոլիկ աշխարհի բոլոր եպիսկոպոսներին, որի մէջ նա արտայայտել է իւր մտքերն ու զգացմունքը ներկայ քաղաքական կեանքի տխուր կացութեան մասին, և մատնանշել է իւր ապագայ եկեղեցական գործունէութեան գլխաւոր խնդիրները: Իւր առաջին խօսքը նուիրում է այն զգացմունքի նկարագրութեան, որ նա սաստիկ տալաւորուել է՝ երբ ինքը կոչուած լինելով ժառանգել Ս. Պետրոսի գահը՝ լսել է Տիրոջ խօսքերը «Արածեա զգառինս իմ... արածեա զոչխարս իմ» (Սւետ. Յովհ. 15—17) և այդ խօսքերի ազդեցութեան տակ հայեացք է ձգել իւր բազմաթիւ հօտի վրայ, որ համարեա, նորա կարծիքով, բաղկացած է բոլոր մարդկանցից: Այդ զգացմունքը նորա մէջ եղել է